

## 源流考略

戴氏为宋戴公後，以谥为姓，其郡谯国，其音徵。宋，即今之归德府谯。即今之亳州均见广輿记。翼甲辰南旋道出归德城南五里许有路东岐，询之輿夫云亳州大道则亳虽隶安徽颍州，实通归德我姓之权輿，於宋而郡名谯国，其地之相去可考也。若人物之表表者，春秋有戴恶战国有盈之不胜皆宋大夫厥後贤哲代生，惟延君兄弟著於汉，系梁人安道父子著於晋系谯郡人，此二家未离祖基，他若次仲之文则蔡人休颜之武则秦人虽属亢宗，不无转徙焉，今我族谱牒历三修矣。康熙老谱以远三公裔孙嗣修字茂生者拾之洞中为蓝本，明谱所传固多，可据其宗源小引一篇，有云新安公螺川後，又云眉公镇卢陵家而籍焉，又云螺川其鼻祖，螺川即吉安府，新安即徽之婺源县。因忆丙申北上侨寓望都县署中时青县戴仙裳先生为广文晨夕过从相与讨究渊源，仙裳云吾祖自婺源北徙天津，因籍青县问婺源所自，则曰婺源出於谯，谯出於宋，而我姓之散布吴楚间者又多

出於婺源。试以仙裳之言参之小引，又以小引参之世系图，曰新安公，公固自徽来，也曰螺川，因落业处而名也。此螺川为江西始祖也。眉公人籍卢陵其江西一世祖乎传十三代为庚一郎，庚一生敏，敏生千胜，胜生远一远二远三远四远久远智远慧远隆远昌，父子同徙楚。此九公後裔所由星罗棋布於长宝诸郡也，欵前谱於受姓名郡与夫吴楚支派之相通，似未明确，兹特考之地與证，以见闻之实，而与老谱互为订正，敢云智过前人哉，亦以家乘之修，穷流溯源期於有徵而可信，庶传之将来。世守勿替耳，若夫侈陈先烈以华胄自矜而正史，阙其姓名通志，茫无证据，是欲尊其祖而实诬其祖也。识者固无取焉。

道光辛卯科举人实授桃源县教谕

十九代孙 翼撰